



THE DAYBREAK

BUREAU OF AMERICAN
SEP 14, 1926
ETHNOLOGY LIBRARY

“Wankantanhan Anpao kin hiyounhipi”—Luke 1: 78

WOKAJUJU 50 CENTS.

Springfield, S. D., September, 1926

VOLUME XXXVII, NUMBER 6

NIOBRARA DEANERY CONVOCATION OMNICIYE TANKA KIN

August 20, 21, '22 anpetu hena en Crow Creek, Fort Thompson, S. D. en Niobrara Deanery Convocation Omnicie Tanka he yuhapi. Anpetu Itopa hitayetu wiyawapi 19 hehan oyate okaſpe etanhanhan ahihunn, qa oiyokipiya ahitipi. Qa hitayetu kin de en wicaſa wakan ataya tawicupi om woſnakaſa waawanyaka ti kin en Bishop qa ateyapi kici wotapi. He hitayetu kin woecon hea wanica tka ee witaya walipewokeya en dowanpi qa Rev. David Clark petijanjan on wiciteowapi etanhan pazo. Yewicaſipi hipi ataya wica- caje owicawapi, hecen oyanke en wicunkipi kin ipi hena tuktenkten unpi kta ecenken ewicahdepi.

Anpetu yamni mniciyapi iyohi hanhanna ſakowin apa hehan Wotapi Wakan icupi. Anpetu Izaptan hanhanna Wotapi Wakan icupi he Bishop Roberts yuwakan, qa Rev. Neville Joyner, Rev. D. W. Clark, qa Rev. R. P. Frazier hena okiyapi. Owankayujapi en the Ven. E. Ashley yuwakan, qa Rev. John Flockhart, Rev. A. B. Clark, qa Rev. Wm. Holmes hena okiyapi. Anpetu Wakan hanhanna en Rev. R. P. Frazier yuwakan, qa Rev. H. H. Whipple okiya. Inonpa Wotapi Wakan icupi he Bishop Burleson iye yuwakan, qa Bishop Roberts qa woſnakaſa tona okiyapi. ſakowin apa Wotapi Wakan icupi ecee hena en opawinge samsam iyeya icupi. Qa hena ataya en womnaye kin mazaska 93.56 wahecetu.

Wica omnicieye iyotankapi en taku ota hea yuſtanpi ſni. Tka taku tona econpi hena dee. Dakota Wicaſa Wakan mazaska awanyaka Rev. John Flockhart he report hdawa. Convocation tamazaska awanyake cin nakun report hdawa. Qa dena on committee etanhan iwanyakapi qa hecetu wicakicidapi. Qa Anpao iapi kaſniſa itancan he nakun report hdawa, qa wohdake cin en wotantin wowapi de on mazaska 116.00 henakeca oicazo unyuhapi oyaka. Convocation kin mazaska iye- nakeca Convocation Fund etanhan Anpao kin qupi. Omnicieye en wicaſa nom on resolution eya Rev. A. B. Clark kaſa, qa hena omnicieye kin icupi. Rev. Joseph Goodteacher Oliwoju oyanke en woſnakaſa waawanyaka un tka qon, wanna wiconi de ihunnikiya, wicaſa waſte qa owotanna heca, he kiksuyapi qa on ataya inajinpi. Nakun Rev. Dr. Bradner New York City etanhan hi qa omnicieye opeya un, wicaſa he Niobrara Woonſpe unkicicaga- pi hee, he hi kin on pidapi on ataya inajinpi.

Convocation en nakun taku tona okitanin hi- yu kin. Bishop kin napin wohdakapi. Arch- deacon kin omnicieye napin, wica qa winyan mniciyapi hena wowicakiyaka. Anpetu Wa- kan hanhanna kin en dena Bishop Burleson wi- caſa wakan, Deacon, wicaſa: Iver Eagleſtar, Joseph Paints-yellow, Christian Whipple, qa Cyril Rouillard; owecinhan Bishop en awica- hipi kin, Rev. Robert Frazier, Rev. Dallas Shaw, Rev. Dr. John Burleson, qa Rev. Paul Barbour. Anpetu Wakan hitayetu en nakun dena Catechist wicakaſapi, John Tuttle, Jo- seph Braveheart, Wallace Zephier, qa Thomas Heminger; owecinhan Bishop en awicahipi

1926 CONVOCATION WOMNAYE TAKU ON QUPI KIN

TAKU ON	WICA	WINYAN	TECAPI	ATAYA
Dakata Wicaſa Wakan Womnaye.....	\$356 49	\$1821 74	\$304 67	2482 90
South Dakota obaſye en Yewicaſipi.....	2 75	59 45	10 50	72 70
Bishop Tawokajuju.....	3 75	75 48	26 50	105 73
Nation Wide Campaign.....	90 52	904 84	183 16	1178 52
United Thank Offering.....		113 45	10 50	123 95
Convocation Womnaye on.....	4 75	56 35	11 50	72 60
Anpao Kin on.....	9 14	63 05	5 50	77 69
Boys School.....	30 45	10 00	3 50	43 95
Niobrara Woonſpe Ookwa Kin.....	4 65	53 36	3 50	61 51
Bishop Biller Memorial Salary Fund.....		10 00	3 50	13 50
Bishop Campbell's School in Liberia.....			15 09	15 09
Episcopate Endowment Fund.....			5 00	5 00
Taku Toktokeca.....		59 50		59 50
Ataya.....	\$502 50	\$3227 22	\$582 92	\$4312 64

kin, Rev. P. Barbour, Rev. Neville Joyner, Rev. John Flockhart, qa Rev. A. B. Clark.

Omnicieye en mazaska ahipi kin widwita- ya decen ahipi: Winyan omnicieye mazaska 3,227.22; Wica ahipi kin 502.50; Tecapi Y. P. S. L. 582.92; Winyan kin nakun Deacon- ess Baker okiyapi decen mnakiyapi 80.20; witaya \$4392.84.

Omnicieye tanka owasin en dowanpi oſpaye wan ohinni dowanpi qa cajepi hena deepi, Dowan itancan Rev. David Swan. Kiyuſpe- ſpeya ho kiſonpi kin, Sopranos: Mrs. D. A. Swan, Mrs. Redbuffalo, qa Mildered St. John; Altos: Gladys Wells, Rosalie Redhail, Celeste Cooper qa Susie Briggs; Tenors: Cooke White, Allen Middleton, Daniel Quilt, qa Llewellyn Selwyn; Bass: Wm. Voice, John Sully, qa Van St. John; iſnaſnana dowanpi kin Wm. Voice qa Cooke White hena eepi.

Omnicieye de en nakaha taku wanji wan- kanwapa najin kin he tecapi mniciyapi kin hee. Dehan waeconpi wanji tohinni Convo- cation en itokam heconpi ſni wan dehan econ- pi he tecapi mazaska ahipi kin hee. Mrs. Betty Ashley, Psehtin tawicu he Niobrara Deanery imahen Y. P. S. L. tecapi okodaki- ciye ataya itancan, qa convocation en tecapi itancan kin he Miss Anna Lambert hee, Mis- sion, S. D. etanhan, wikoſka kin de St. Mary's School hen wayawa. Wica tawomna- ye ahipi kin, tecapi womnaye ahipi kin kici iciwanyaka po.

Convocation ayuſtanpi ohakam anpetu to- kaheya August 23 hehan Bishop napin, Arch- deacon, Woſnakaſa waawanyaka qa Woſna- kaſa wawokiya hena witaya mniciyapi, wi- colhan tawapi tantanhan on mniciyapi. De en taku wanji yuſtanpi qa tokatakiya okaſpe iyohi he ohnayan yapi kte kin he. Detanhan tokatakiya okaſpe iyohi winyan mazaska ka- mnapi qaiſ wica mazaska kamnapi qaiſ taku mazaska keſeyaſ iye totonwepi en mazaska tipi tawapi en elnakapi kte ſni, tka ee Wo- ſnakaſa waawanyaka tawapi qupi qa Sioux Falls otowwe hen Minnehaha National Bank hen elnakapi kta, qa Executive Secretary unkitawapi Mr. W. D. Swain iye Certificate of Deposit heca wicaqu kta, he ohnayan wa- yuſtanpi, de Bishop tawiyukcan qa ohnayan yuſtanpi. Taku on de heconpi kin he maza- ska tipi cikcistinna kin dena ota suta ſni, qa

okodakiciye wakan tamazaska ota atakuni ſni, heon tokatakiya icihnaye ſniyan okoda- kiciye wakan tamazaska hena idagyepecaya wanke kta e heon heconpi. Hanhanna de mniciyapi ſni itokam Woſnakaſa en unpi ataya Wotapi Wakan icupi.

Omnicieye kin en dena en unpi, Bishop Burleson, Bishop Roberts, Archdeacon Dr. Ashley, qa Woſnakaſe cin, Robert Frazier, John Flockhart, A. B. Clark, N. Joyner, Dallas Shaw, John Clark, Paul Barbour, H. H. Whipple, John Decory, T. J. Rouillard, L. M. Rouillard, Wm. Holmes, Dr. John Burleson, P. C. Brugier, John Promise, qa nakun E. F. Siegfriedt, Yankton etanhan, qa Dr. Bradner New York City etanhan.

Oyanke wan en Convocation yuhapi token okihipi tokantanhan hipi hena tanyan wica- kuwapi. Ihunniyan omnicieye owasin waſte- ſte. Qa tokata tukten Convocation mniciye kte cin he Standing Rock Inyanboſdata oyan- ke heciya kta yuſtanpi.

Convocation oitancanpi kin dena eepi, Rev. Wm. Holmes itancan, Rev. L. M. Rouillard wowapi kaſa, qa Rev. John Clark mazaska awanyaka.

ST. MARY'S SCHOOL

September 7 St. Mary's School Springfield en un hetanhan waniyetu itopa tokaheya econ. Bishop Hare St. Mary's ehde iyohakam wana waniyetu wikcemna topa sanpa nonpa. Owanka wanica heon wicinyana ota en opapi okihipi ſni. Dehan 49 cajeowapi.

Waonspekiye waſte wicunyahapi kta: He- kta waniyetu etanhan, Mrs. Elliott, Miss Sturgis, Miss Hunt, Miss Gardner, qa Mrs. Marshall; Miss Curtin, New York etanhan, ehanna St. Mary's en waonspekiye wan, French qa English iapi onspewicakiye kta; Miss Elizabeth Howland, Philadelphia etan- han, qa Miss Hoff, he nakun Southern State Normal School en waonspeiciciye kta.

August 18 hehan St. Mary's Chapel en Ed- ward M. Young, Laurel, Neb., etanhan, qa Miss Lydia Bixby, hekta waniyetu St. Mary's en waonspekiye wan, wakankiyuzapi. Rev. P. H. Barbour wocekiye cin ecawicakicon.

Hekta waniyetu hehan St Mary's tanyan un heon nina unkiyuſkinpi, qa tokata wani- yetu kin wiyuſkinyan itokam awauncinpi.

ANPAO KIN (THE DAYBREAK)

SPRINGFIELD, - SO. DAK.

REV. JOHN K. BURLISON, Springfield, S. D. }
REV. PAUL H. BARBOUR, Springfield, S. D. } Editors.
REV. LEVI M. ROUILLARD, Rapid City, S. D. }
REV. JOHN FLOCKHART, Greenwood, S. D. } Business Manager.

THE DAYBREAK is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Wi akenonpa (one year) eca kašpapi zaptan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Greenwood, S. D. on opetonpi qaiš wovapi askape Rev. John Flockhart yekiyapi kta.

Printed at the office of the Santee N. T. S. Press, Santee, Nebr.

ENTERED at the Post Office at Santee, Nebr., as second class matter, and accepted for mailing at special rate of postage provided for in Section 1103, Act of October 3, 1917, authorized May 17, 1920.

IAP I KAHNIGE TOIE

Convocation kin en nina iciyounkicipaštakapi, qa on Anpao kin okiyapi. Wicašta tonana kašpapi zaptan unqupi, qa dehan 79 Anpao kin hdajujupi. Wošna Kağa omniciye kin en decen yuštampi:

1. Detanhan waniyetu iyohi en wikcemna akihde Anpao kin unkağapi kta.

2. Wašicun iapi wanice kta. Wašicun iapi onnišpe kinhan, South Dakota Churchman icu wo.

3. Wašicun iapi eekiya Dakota iapi en wicawangapi wan (Mrs. Weston's Catechism) tokata waniyetu eciyatanhan ahdiheunyanpi kta. He en woonspe waštešte iyeyayapi kta.

TANYAN ABDEZA PO. Publicity Department qaiš Winyan Omniciye qaiš Koška Omniciye Anpao kin on wicacaje wikcemna ihniqi qa uyapi kinhan \$5.00 kin etanhan wanji taku cinpi kin on yuzapi kta iyowinwunkiyapi kta.

ANPAO KIN ON IAP I KAHNIGE REPORT TAWA KIN CONVOCATION 1926

Hekta September wi qon tokaheya Iapi Kahnige cin wicohan unqupi hetanhan, taku nom iyotan econqonpi unkiyutapi: Tokaheya, Anpao Kin Dakota oyate iyokipipi iyecen wicunkicağapi kta, nakun Anpao eciyatanhan Niobrara Deanery en Okodakiciye Wakan kin ounkiyapi kta uncinpi; Inonpa, token okihipica kinhan Anpao kin woyusota tawa kin omaka wokajuju eciyatanhan ihdajuju kta.

Anpao kin yeunyanpi kin otoiyo hi en dena unyuhapi unkiyutapi: 1, wotanin unkiyupi kin etanhan taku wiciyokipi qa iwicawašte kin owasin; 2, N. W. C. qa N. C. E. on oakpamni iyohi tona hdajujupi kin; 3, Okodakiciye Wakan tawicohan kin on Iapi Kahnige Toie kin; 4, Okodakiciye Wakan kin onšpa wanji etanhan iteowapi wanji; 5, Oyubdaye itopa kin en wašicun iapi en maka ataya etanhan Skain Okodakiciye taku econ kin yuotaninpi. Decen šakowin akihde unkağapi. Wi otoiyo hi Anpao kin yeunyanpi uncinpi, tuka. Tuka wi akenonpa on wotanin qa mazaska unyuhapi šni. Wayuotanin obebe (Publicity Departments) dena unqupi iyececa, tuka. Wayuotanin obebe iyotan waštešte dena eepi: Rosebud, Corn Creek, qa Pine Ridge hetanhanpi.

Hekta September wi qonhan Anpao kin wicacaje 600 yuha. Tuka dena 600 etanhan 33 henana Anpao kin hdajujupi, qa hetanhan wicašta ota waniyetu ota on takuna kajujupi šni. Tona oicazo yuhapi kin owasin onahonwicaye yeunšipi, qa kajujupi šni kinhan, ake Anpao kin icupi kte šni. Heon Anpao wicacaje yuhe cin etanhan wicacaje 471 ehpewicayapi. Wacekiye wicašta owasin, tohan okihipi hecinhan, kajujupi kta iyececa unkiyuncanpi, tuka Tipi Wakan omniciye otoiyo hi

HERMAN RENVILLE KIKSUYAPI KTA

Sisseton Mission, St. Mary's Oyanke

May 20, 1926

Dear Anpao: Brther Herman Renville wovapi wan okiwa q makipazo. Unkan heon nina wibdukcan. Heceena miš kici wica ni waun, Ina etanha. Ate kin tawicu yamni qa hakakta kin he tanhan unkiš unkiçagapi, winyan yamni ob.

Ho, misun tehanwoyazan on kakije qa heced nina tancan tawacin ohan, owanyake ko owašin onšike, qaiantemašica ecee. Ho tka eqeš wocekiye wicohan ektakiya tuktekted wicašta tanka iyeced. Wowoansida qa wowašte owicohan kin en waecon qaiš iapi eya ecee. Wocekiye, Wovapi Wakan eciyatanhan, qa woyatan oowan kin qa wowahokonkiye wanjikji waštešte econ, qaiš eya ecee.

Tohinni wan en lokšiyopa wan yuhapi qe yaš ni kte šni e šdodye, hecehnana takuna ape šniyan mni akaštan qa wocekiye ekiciye. Hehand hokšiyopaqon te. Wošna Kağa ektaye kte qe yaš hdi šni te kta e šdodye wanyake. Heon miniakaštanpi šni te kta he tawaštešte šni, qa heon heced econ. Unkan de iyohakab Wošna Kağa kin nna pida, tanyan econ kin on. Qa he wookih e okiyake. Ho, hena on misun onšike qe yaš wicohan wašte wanjikji econ se ececa on Wakantanka onšida kta ecamin eca. Akeš iwamaditaka ecee. Hekta Easter en wanagi makoce en ahakeli wohdake. Adam, Abel, Abraham, Christ, qa anpetu unnipi kin de en, Wakantanka eciyatanhan taku onspeunkiyapi naunhionpi kin, qa wanunyakapi qa imahen taku kapi kin hena owasin oyake. Qa ijiya tokata Easter anpetu ektatona ni ihunnipi, qa ake wowiyuškinnanpetu de ohna wanagi makoce de en waeconpi kinhan icunhan wanna en ijiya tancan kin den wanna wanke kta e ohdake. Ho, he iyohakam nina wanna wayazanke hehand wovapi wan kage qa wanna te kta on ihduwiyeya. Tohan te kinhan token cin, token tancan kin he econpi kin, he okiwa, qa makipazo, qa hena token e pazo tawa qon ohdake.

Odowan tona wašteštaka hena okiwa, hena ahiyayapi cin keye: 21, he "I need Thee every hour" he ohnayan ahiyayapi cin; 26, "Rock of Ages" he ohnayan ahiyayapi cin. Qa nakun "Minape wicohan cona Jesus en wai kta he" eyapi qon he wašteštaka keye, qa 95 hena owa ehake. Qa wicašta wakan nom ohinni te kinhan owicohan hena ecakiconpi cin. Yuha škanpi cin kin he Rev. Henry St. Clair, Morton, Minn, qa Rev. George G. Lawrence, Sisseton. Hena ob ihduštan ehanna heon ecetu cin, qa toni kin he iš Quincy Plume, St. John Baptist etanhan kin he okiciyaka cin keye, iwacinye. Qa tuwe akiyuhapi kta cin kin: Matthew Gill, Charles Duggan, Samuel Jones, Ed Heminger, Sidney LaBette, qa James Burke. Qa Tipi Wakan kin nakun tokeš wicota ešta ee timahen aipi cin keye. Qa tohand wanna tancan kin wanagi makoce kin ektakiya ayapi kinhan, econpi ecee kin iyecen. Ocanku kin itanonnik inajin qa Priest kin henaos yapi qa hehand helpers qa St. Andrew Brotherhood kin. Odowan 93, "Nearer, My God, to Thee", he ahiyayapi cin, qa ecen hen iš tancan kin he ayapi, qa wotakuye kin hena yapi kta. Qa hehand B. C. U. onge en unpi kinhan "Oape iyohi wacinciya" hda ahiyayapi cin keye. Toked on 93 he ahiyayapi cin qon he: Wata tanka wan Titanic eciyapi miniwanca kin opta u kta unkan tohinni aspaya okihi kte šni. Nina sutaya kağapi keyapi,

en wacekiye wicašta yuhapi kta iyececa, heon kajujupi qaiš kajujupi šni kinhan Anpao kin wicunqupi. Wanna hekta September wi isanpa ota hdajujupi, heced dehan omaka kin de on 69 hdajujupi. Nakun wacekiye wicašta qa unma tonana unqupi kin kici, Anpao 202 yeunyanpi. Mazaska awanyake unkitawapi Mr. Flockhart mazaska ota iyohi šni yuotanin qe yaš, taku owasin unhdajujupi kin on caehdepi cistinna unkağapi, qa omaka wokajuju en oonyakiyapi kta hecinhan tokata omaka kin sanpa wašte kta ye do.

P. H. BARBOUR,
Iapi Kahnige.

ALL WHO CAN READ ENGLISH

SHOULD SUBSCRIBE FOR

South Dakota Churchman

SEND \$1 TO

W. D. SWAIN, Box 517,

Sioux Falls, S. D.,

And receive this splendid paper
for one year.

qa on okope šniyan wicašta kin hena en ohna oicimani kağapi. Unkan wanna tohand co-kaya ecen unpi qon hehand oape qon kicihunni. Qa taku toketu hecinpi šni lice qon wanna hed tapi kta unkan odowan kin he ahiyayapi qa ecen miniwanca ošbe wokokipe qon en mahedkiya hanhiya hcin yapi. Qa ecen mahed iyayapi. He iyeced wanagi makoce (cemetery) ektakiya ayapi kinhan, ahiyayapi ayapi qa ecen yuha imahen iyayapi cin keya.

Tona onšiwicadapi kta iyecen ohanyanpi hena eqeš woocikiye wašte ionšiwicadapi kta tka. Maka akand wotakuye tawapi kin hena. Wicacehipi wicotawacin kin ohnayan hecenya tawacinpi ecee kin heon he ohinni abdeze, heon hena on wiyukcanpi cin keya.

Hehand B. C. U. he wicakiksuye on keye, Rev. Philip Deloria on etanhan. Tohinni wan mayucanqa qa mayuhice he on ohinni weksuya ce eya. Qa nakun St. James en Sisseton Mission kin imahen (Enemy Swim Lake) en B. C. U. omniciye yuhapi en wai unkan nina onšimadapi qa wocekiye ko on wacamiconpi. Heon nina pidamayanpi. Qa hena owasin wookiye ohna okihipica kinhan htaunnipi wacin, owasin onšiwicadapi wacin ce eya.

Witaya Wakantanka ceunkiyapi, qa htaunkinipi kta ce. Owasin waunhtanipis'a, qa on onšikapi kin heon onšiwicadapi kta. Qa wookiye ohna maunnipi kta iyececa. Qa maka amakatapi kinhan 97 ahiyayapi qa ehakehcin St. Andrew odowan, 178, ahiyayapi cin keye, owape qa waštewadake qa inawape heced en ahakehcin ahiyayapi wacin ce eya.

Ho, eqeš te qon hehand iyecenya owasin ecakiconpi, qa nina pidamayanpi. Herman Renville eya tankaya šdodyapi omniciye i ecee, qa wayawapi (school) ektakta koška šdodwicaye hena eciyatanhan wasdodye. Rev. Paul H. Barbour Helper kaonspe qa hetanhan helper heca un qa wayazanke qe yaš hehanyan, nakun wocekiye owicohan en tohanyan hani okihi en škan. Qa ecen wicohan hduštan.

James Renville.

LOWER BRULE HOKSINA WASTE NOM TAPI

Alfred Lawrence Barker, Rev. Alfred Barker cinhintku wanji, March 25, 1908 tonpi, qa June 27, 1926, hehan Pierre otowwe en timahed oniwanpi wan en cante wašake šni on ta. He hokšidan walbadan qa wacinkšapa. Iyehantu ca wocekiye on tipi wakan en un qon, qa ohodayan otakiya Wotapi Wakan icu. Iapi kahnige cin Kul Wicaša Makoce en un qonhan, Week Day Church School en tanyan šdodye qa nina wašteštaka, qa tokata wicašta wašake qa wašte un kta kecin, tuka. All Saints, Ponca Creek, Herrick, wanagi makoce en hapi. Rev. Robert Benedict, Winner etanhan, wocekiye econ. Takuwicaye cin odowan kin de owaušipi:

"A loved one from us has gone,
A voice we heard is stilled,
A place is vacant in our home,
Which never can be filled."

Philip Stricker, Messiah Chapel etanhan, hokšidan wašteštakapi wan, qa Wotapi Wakan en opa wanji, August 25, 1926, hehan ta. August 28, hehan Messiah Chapel en hapi. Rev. A. Barker wocekiye econ.

WOSNA KAGA OMNICIYE

Convocation yuſtanpi qonhan, Monday August 23 hehan, Bishop nopin, Woſna Kaſa 17, qa Mr. W. D. Swain, Wowapi Kaſa Itancan unkitawapi, owohdake en opapi. Tokaheya 7:30 a. m. Bishop Burleson Wotapi Wakan wicaqu.

9 a. m. hehan owohdake kin iyotankapi, qa taku okitanin ota iwohdakapi. Hena etanhan tonana cajebdate kta.

1. Quotas. Oyanke iyohi mazaska tona kiſunpi kta iyececa hecen kapi. Okodakiciye Wakan tawicohan tanyan iyopte kta heon. N. W. C. qa N. C. F. quota henaos toked oyanke qa ti wakan omniciye iyohi wicakidapi, iyeced hdajupupi kta iyececa. Wanjikji quota tawapi ehaeſ tanka iyukeanpi naceca, tuka. Unkiyepi owasin wicohan tanka unkaſapi, qa niye onſpa nitawa ecanon ſni kinhan, nikiyedantiki wicohan tawa wicohan nitawa ko econ ſececaca. Hecetu kta iyececa ſni. Oyanke wan en Yewicaſipi Wakiya Omniciye waſte yanka hecinhan, qa nina woſaſi econpi kinhan, waſakayedan quota hdajupupi kta. Nakun Okodakiciye Wakan ed opa iyohi qa tiwahe iyohi mazaska tona hdajupupi kta iyecece cin sdonyapi kinhan, ataya econpica kta. Ake Sioux Falls en Provincial Synod mniciyapi kte cinhan Woſna Kaſa Awanyakapi mniciyapi qa de iwohdakapi kta.

2. South Dakota en mazaska tipi cistinna ota kſawahanpi, qa otakiya Okodakiciye Wakan tamazaska toki elipekiyapi, heon mazaska tipi waſaka wanjidan en mazaska unkitawapi ataya ehnapapi kta cajeyatapi. Sioux Falls en Minihaha National Bank en mazaska unkitawapi awanunkiciyakapi kta e Mr. Swain ounkiyapi kta on owowiyukean wan kaſapi kta. Tohan woſna kaſa mazaska qupi kinhan, Dr. Ashley icupi wowapi wicaqu kin etan wanji woſna kaſa wicaqu kta.

3. January wi en peta okodakiciye mazaska ataya kajupupi kta iyececa.

4. Tipi Wakan wanji apiyapi kta iyececa kinhan, he oyate wicohan tawapi kin, qa Warden iwanyake kte cin hee.

5. Easter elections en tipi wakan iyohi en oyate kin Warden qa Clerk (wowapi kaſa) cajewicayatapi, tuka Bishop kin he wicakiciyusuta kta. Warden kin he tipi wakan awanyake kta, tuka tuwe qaiſ tohan qaiſ taku on unpi kta, he awanyaka iyowinkiya okihi ſni. He en Woſna Kaſa Awanyake he itancan.

7. Niobrara Catechism teca kin. Detanhan tuwe Niobrara Catechism on tanyan onspewicakiyapi ſni kinhan, Bishop nopin wicayusutapi econpi kta tawatedyapi ſni, Bishop Burleson keya. De wiwicawangapi tuwe cinpi kinhan tona cinpi kinhan Dr. Ashley iyowincodan wicaqu kta. Nakun Christian wowapi cistinna tokeca tonana kaſapi kta Bishop econwicaſi.

8. Niobrara Course hecetuwanjica Christian woohoda woonspe unyuhapi kta cajeyatapi.

9. Bishop omanipi kte cin on hekta omaka woſna kaſa omniciye kin en toked yuſtanpi, he iyowicakipi heon, ake econpi kta: Crow Creek, Lower Brule, qa Sisseton hena October wi kin en wicai kta, December oko inonpa kin en St. Mary's owayawa kin wocekiye woſaſi econ ocokaya se etan Ihanktonwan qa Isanyati oyanke en wicai kta. Wakpaipakſan kin he Bishop iye toked waſte kecin ohna awanyake kta. Cheyenne, Pine Ridge, Corn Creek, Rosebud qa Standing Rock hena May wi kin he en wicai kta.

10. Tipi Wakan unkitawapi kin ecizatohan Christ ekta hipi kta e waſicun unkikiyepidan-ti tona unkiyoſeyapi ounyanpi owicunkiyapi kta iyececa.

11. Anpao Kin. Detanhan Anpao kin en waſicun iapi wanice kta. Tona waſicun iapi cinpi kinhan South Dakota Churchman wotanin wowapi icupi okihi kta. Tokata waniyetu en ſakowin akihde eekiya wicemna akihde Anpao kin unkaſapi kta Bishop econuſipi. Anpao iyohi en oyubdaye itopa kin en toked Archdeacon econuſipi kin woonspe wanjikji ahdiheunyanpi kta.

12. General Convention en Wocekiye Wowapi kin en onſpaſpa ayutokecapi eſta, Dakota Wocekiye Wowapi kin tohanyan Bishop yutokeca ſni kin hehanyan hecehnana unkuſpi kta.

13. Eucharist (Wotapi Wakan wicohan)

WINYAN OMNICIYE TANKA KIN

Convocation Winyan Omniciye iyotankapi, August 20, 1926. Lowanpi na Bishop Roberts wocekiye econ, na hehanl wowapi kaſe cin Mrs. Red Buffalo hee, tka wanna wanji kaſniſapi kta iyehantu. Hece ake hecena wowapi kaſin kta yuſtanpi. Ieunhan wanna wicokan hiyaya wotapi kta iyehantu. Hece Bishop Burleson wocekiye econ na asnikiyapi.

Hehanl wicokan sanpa kin hehanl ake omniciye iyotankapi, olowan 102 ahiyayapi, na itancan Mrs. R. P. Frazier woglake, na wowapi kaſe cin hekta wocon kin yawa eyaſ takuni yuſna ſni kin heon (approved) iyeyapi. Hehanl kaſniſi hipi kin, delegates kin, cajewicayatapi na 160 aſluptapi. Hehanl Mrs. Sophie Williamson, winyan omniciye wakeya awanyake cin on oiglakapi (report) glohi. Wakeya womnaye kin \$39.95 yuha hecel takuni yuſna ſni on approved iyeyapi.

Na hekta omaka on hehan New Orleans ekta Mrs. Sophie Williamson kaſniſi yeſipi kin on \$47.97 on yin kta winyan qupi, tuka ye ſni kin on hena tokel econpi kte cin itancan kin, Mrs. R. P. Frazier iwicayunge kin on, Mrs. Dallas Shaw hena Dakota Wicaſa Wakan Tawomnaye el iyayin kta wacajeyate, na on najinpi na yuſtanpi.

Hehan Mrs. Ashley, New Orleans ekta omniciye i kin on woglake, na he Mrs. B. P. Lambert iyekiciska yukan watohantu wan peji qeya tokeca oyake eyaſ, he woeye kin Lakota ekta onpi ſni canke, hel ieska kin bokehi inajin na watohan takuni eye ſni najin. Convocation winyan omniciye can el Mrs. B. P. Lambert oieska on qon tokelica kela ka iapi wan yueska okihi ſni. Hehanl Mrs. Julia Deloria, Mrs. Jennie Wright kici teca pi omniciye ekta ikiciyuſkin woeye kin ewicakiyapi kta on wicakaſniſapi. He ieunhan inſ eya teca pi etanhan nom winyan omniciye el kaſniſi hipi, Miss Anna Lambert na Miss Thelma Menzie, hena eepi, na wowapi wan wicoie lecel yanka ca glohipi: Winyan Omniciye kin wocekiye eyapi can teca omniciye kin tokatakiya tokel waſagya unyanpi kte cin on wocekiye eyapi ni unkecinpi.

Hehanl Winyan Omniciye tawoope kin he Mrs. Ray Holmes yawa. Hehanl Mrs. A. B. Clark he Bishop Biller Tawomnaye tka qon, heon woglake. Na Mrs. B. P. Lambert, Mrs. Dallas Shaw henaos Lakota Wicaſa Wakan Tawomnaye kin on woglakapi. Tona September Drive kin econpi kin \$60.70 henaſe, Mrs. R. P. Frazier yaotanin. Na hehanl wicincala unkitawapi kin taku onspewicunkiyapi he, eyapi kin heon lenakeca woglakapi: Mrs. Elliott, Mrs. Williamson, Mrs. Maggie Ellis, Dr. Ashley, na Bishop sunkaku.

Saturday morning. Olowan 111 ahiyayapi na Bishop Burleson wocekiye econ. Dr. Ashley woglake, na hehanl mazaska ekihnakapi na igluſtanpi ſni ecel wicokan hiyaye hecel Dr. Ashley wocekiye eye, na asnikiyapi.

Hehanl wicokan sanpa el ake omniciye econpi, 162 ahiyayapi, na mazaska ekihnakapi na hehanl Miss Dickson etan wowapi wan winyan omniciye wicaqu ca Bishop Burleson wicakiyawa. Na ohakab winyan kin mazaska tona ahipi heci he yaotanin: \$3227.22 hecetu kin, heon wopila olowan wan ahiyayapi. Na hehanl Mrs. Lambert he Convocation el 10 cents on wotapi kta yuſtanpi on, he ayuſtanpi kta wacajeyate, na he Mrs. Allen Last Horse okiye, na yuſtanpi.

kin en Christ tanyan unyuonihanpi kta on wahna woſnapi conkaſke imahetan qa taku en un kin owasin, minihuha, wiyatke, qa taku tokeca kin owasin ataya ſape ſni awanyakapi kta.

14. Rev. Lester Bradner, Niobrara Woonspe Ookuwa kaſe cin, Convocation en unkiyoſeyapi un okihi kin on, wopida unqupi. Nakun decen oeconwaſte keya: detanhan Convocation en teca pi kin tohan wicaſta qa winyan mniciyapi kte cin ieunhan woonspe icalniſi owecihan yuhapi kta.

15. Rosebud makoce en hokſidan owayawa, he 1927 en Bishop tokaheya yuſan kta kecin kin, he on iwohdaka. Nakun owayawa kin de nahanſcin caſton ſni, heon tuwe caje wanji waſte kecin kinhan Bishop eced yekiyaſi cin.

3. p. m. hehan wocekiye on omniciye kin enakiyapi.

Hehanl Mrs. B. P. Lambert, Mrs. Thomas Rouillard, na Mrs. Rosa Carpenter hena Miss Dickson wowapi kicaſapi kta wicakaſniſapi. Hehanl Rev. R. P. Frazier hunku kin el un canke yupiyakel woglake, anpetu tona lel un kin he lila wiyuſkinyan on keya woglake. Taku wan iyotan icantewaſte kin he takuſku, Mrs. Frazier kici iyokipiya woſaſi econqonpi kin he iyuſkin keya. Mrs. Dallas Shaw, Mrs. William Holmes, Mrs. American Horse hena Deaconess Baker wowapi kicaſapi kta wicakaſniſapi. Mrs. Rouillard wacajeyate womnaye wanji Deaconess Baker kicaſapi kta keya, na he Mrs. Cadotte okiye, na yuſtanpi. Unkan wamnayanpi, na \$40.10 kaſapi, na Rev. R. P. Frazier hunku kin he wowapi ojuha kin natake ſni wicaſi, na heya wowapi ojuha kin hel mahel tonakeca un heci he iyenakeca el owagnakin kte eye, unkan wanna hinhan el \$80.20 henaſe yaotaninpi. Na Mrs. Lambert lecel eya: Wanna maweſa kin on tiyata waki kin, Mission Winyan Omniciye kin owinja wanji Deaconess Baker yekiyaſi kta eya iglaotanin. Hehanl Bishop Roberts tawicu kin he wagna woſnapi na akalipe na wiyatke na wakaſica kin hena tokel yuwakanyan kuwapi kte cin hena onspewicakiye kta tka hi ſni kin on iye Bishop hena tokel econpi kte cin onspewicakiye, tiyata winyan omniciye kin hena eepi wicincala kin onspewicakiyapi kta e wicakaſniſapi kta. Hehan olowan 115 ahiyayapi na enakiyapi.

Saturday hitayetu el ake mniciyapi, na itancan kin Mrs. Frazier he winyan omniciye oiglakapi wowapi kin heon woglake. Hehanl kaſniſi hipi kin tona woglakapi. Hehanl Mrs. St. Pierre, Crow Creek etanhan wawahokonkiye onahon waſte wan winyan kin ewicakiye, na ihunnikiye el cante on wocekiye eye. Na ihunnikiye el Mrs. American Horse winyan waſte kin he wopila eciaſi kta eye na on iyuha najinpi na pilamayaye eyapi. Olowan 147 ahiyayapi na enakiyapi.

ELIZABETH RED BUFFALO,

Secretary.

MATILDA A. LYMAN

Matilda Aungie otonwe ciqana Sioux City, Iowa, eciaſi kin hed tonpi. January 20, 1856, he ehan, qa August 1, 1926, anpetu wakan hinhan, wihiyayena ſakowin ed ta. February 3, 1881, he ehan Max Lyman kici kiciyuza qa he te cin etanhan waniyetu zaptan ni un. Qa he etanhan cinca ſakdogan tka ſakpe ciſtipina he ehan tapi qa etanhan nom nipi. Nonpapi kin hetanhan takojakpaku napeinwanka icaſapi. Clara (Mrs. Otto Uken) cinca topa, qa Viola (Mrs. Jessie Picotte) cinca zaptan. Mrs. Picotte, Fort Hall, Idaho, owakpamni kin hed un. Mr. Picotte, tunkanſina woſaſi wan yuha tka hunku hanye ciqon he ehan onahoniyapi qa he te ſni itokam kdihunni.

Tka tona ob waakiye cetu kin hena te cin nina icante ſicapi qa he Ihanktonwan oyate kin ed tiwahe okinihan hecapi kin hakakta hea. Hunku wicoicage tawa kin he akicita wan Col. Robert Dickson eciaſi. Wicaſa kin he oikduha tawa kin he oknayan ikduhapi. Matilda wicincana qon he ehanni Sioux City etanhan kici ikdag hipi. Owakpamni kin ed iyotan kiksuyapi qon he Mrs. Victoria Brazeau wiwazica tehan, qa "Aunt Harriet" cunweku mani ſni kin. Qa iyokihe kin he Mrs. Mary Van Meter, Fort Pierre etanhan. Qa iyamni kin he Josephine, Rev. Daniel Renville tawicu kin, qa Thomas Aungie he Greenwood ed tohanyan ni kin hehanyan ed ounyan. Qa Helen, pte yuha wicaſa wan Buck Williams eciaſi wan Cheyenne River etanhan hiknayan. Tiwahe kin he Matilda opa qa hena wayuonihanpi qa wakodatonpi, waonſidapi, qa Christian oikduha kin ed waſagya qa sutaya najinpi, qa tona iyotieyekiyapi kin he ed ohinni wawokiyapi kta e wiyeya unpi. Mrs. Lyman hinknaton kin hetanhan tohanyan ni kin hehanyan Greenwood ed maya tahepiya ti, qa tuwe kin owasin wanwanyakapi qa sdonyapi, qa nina cante ſicapi.

Wicahapi wocon kin he Rev. J. Flockhart econ, qa Ska-in Okodakiciye kin hed waſagya wacinyepica qon heca. Cante ſicapi kin wicotapi kin on tipi wakan kin owicakan ſni. Oyanke kin cunwintku kin qa takojakpaku kin ob cante ſicapi qa ceyapi.

PROTESTANT EPISCOPAL OKODAKICIYE KIN

Woonspe, Woecon, na Anpetu Wakan Yawapi

KIN ON

WIWICAWANGAPI

MRS. D. C. WESTON, Kağa
REV. E. ASHLEY, LL. D., D.D. Ieska kaga

WOONSPE TOKAHEYA

Judah Okihpapi Kin

W. Anpetu unkitawapi kin etanhan tona Wakantanka wakanla unšipi he.

A. Sakowin etanhan anpetu wanji.

W. Anpetu okihpa na wanji wakan tukte Wakantanka kalniğa he.

A. Isakowin kin, Sabbath eciyapi, Okihpapi he kapi.

W. Tokel on lecen eciyapi he. Wicoicage 2: o. 3.

A. Ecin anpetu kin he ehan tohtani oyasin etanhan okihpa.

W. Judah oyate kin tokel Sabbath ohola wicaši he.

A. Lila hein. Ecin he ehan tuwe kaša icunhan wicohan econ kinhan ktepi kta. Gli. 35: 2.

W. Woepe kin le tohinni ognayan hecel econpi kin oyaka yo. Wicayawapi 15: 36.

A. Sabbath anpetu icunhan wicaša wan canle iyeyapi na inyan on kinin ktepi.

W. Sabbath icunhan omniciye kta on Juda oyate woepe taku wicagupi he.

A. Anpetu isakowin otioyohi on omniciye wakan econwicaši.

W. Jesus Sabbath anpetu kin he ohola he.

A. Han. Tokel econ kin he Synagogue (Omniciye tipi) kin he til iyaye "ça Wowapi Wakan yawa kta inajin qon he."

Sunday Nais Itancan Taanpetu Kin

W. Anpetu wanji tukte Christian wakanlapi he.

A. Anpetu tokaheya kin, he Sunday eciyapi.

W. Anpetu isakowin kin anpetu tokaheya ee unkiyapi kta, tokiyatanhan wookihi unyuhapi he.

A. Wahošiye Wakan tawookihi na tohanpi kin: na omaka oyasin el Okolakiciye, Wakan ohanye cin he eciyatanhan.

W. Sunday anpetu kin el, Christian okihpapi na oholapi kta e tokeca kağapi he.

A. Ecin anpetu tokaheya icunhan, Christ wiconte etanhan ekiciyuyapi.

W. Christ econwicaši šni unkanš Wahošiye Wakanpi kin anpetu kin he yutokecapi kta he.

A. Hiya. Ohinni Taniya Wakan na towašake kin on ohanyanpi.

W. Tohinni Jesus Wahošiye tawa onspewicakiya he. Olan. 1: 1, 2, 3.

A. Omaka yamni omani un qonhan, na anpetu wicemna topa kini ohakam na wakan iyaye šni okitahena tohinni Wahošiye wakan tona wicakahnige cin, na Wakantanka tokiconze on owicakiya ke cigon he behan.

W. Christ Sabbath on Itancan un keiciya he. Lukas 6: 5.

A. Han. "Wicaša Cinhintku kin he Anpetu-wakan on Itancan ce" eya.

W. Wanikiya unkitawapi taanpetu kin echantanhan Christian anpetu tokaheya kin oholapi he.

A. Han. Okolakiciye taomaka oyasin el econpi, na lecel owancaya anpetu tokaheya oholapi kin, Christ na Wahošiye wakanpi hecel econwicaši kin he yuwicaka.

W. Itancan taanpetu tokaheya el toketu he.

A. Jesus Christ wiconte kin etanhan kini, na anpetu kin he hitayetu icunhan waonspewicakiye tawa en iglutatin na Wahošiye-wicaši. John 20: 21, 22.

W. Sunday iyokihe tokel econ he John 20: 57.

A. Jesus ake waonspewicakiye tawa en iglutatin na Thomas wacetungla qon wicala kta e tancan ikpazo he ehan.

W. Sunday itokeca wan el toketu he. Olan. 2: 4.

A. Pentecost anpetu el, anpetu tokaheya kin he ehan Woniya Wakan waonspewicakiye cin awicahan.

W. Itancan taanpetu icunhan, waonspewicakiye cin wacekiyapi ece e Wowapi Wakan etanhan oegle wan miciyawa wo. Olan. 20: 7.

A. "Unkan anpetu tokaheya kin he en waonspewicakiyapi kin aguyapi kiyuša immiciyapi, hehan Palos wahokonwicakiya."

W. Lel "aguyapi kiyušpapi" eyapi kin he tokel kapi he.

A. Okolakiciye Wakan is Itancan hitayetu Wotapi eciyapi kin he heconpi he kapi.

W. Wayutanin 1: 10 el tokel St. John, Sunday cajeyata he.

A. He Itancan taanpetu cajeyata, Patmos wita el wowanyake wowinihan tawa wanyaka icunhan.

W. Christian tokaheyapi kin tokel on Itancan taanpetu kin he cajeyatapi he.

A. Anpetu kin he icunhan Itancan unkiyapi woohiye on wicagnakapi etanhan piya inajin kin heon.

W. Christian tokaheyapi kin tokel Sunday oholapi he.

A. Anpetu otioyohi Itancan hitayetu Wotapi kin econpi, na wayazankapi šni nais tiyata unpi hecinhan ohinni wocekiye opapi ecee.

WOONSPE INONPA

Nakun Sunday On

W. Eusibeus, Okolakiciye Wakan tawoyake owa qon, he Sunday on tokel eya he.

A. "Otokahetanhan, Anpetu tokaheya, Itancan Taanpetu eciyapi kin, he iyehan, Wakantanka wakanyan oholapi kta, Wowapi Wakan yawapi nahonpi kta, na Itancan hitayetu Wotapi kin econpi kta e igluwitayapi ece" keya.

W. Barnabas Wahošiye wakan kin, wowapi wan owa keyapi qon, he el anpetu tokaheya on tokel eya he.

A. "Anpetu tokaheya kin he Itancanunyanpi ekicetuyapi qon wokiksuye on iyuškinyan ohounlapi ce" eya.

W. Ignatius, Antioch el Bishop un qon, Magnesian ewicakiyapi kin Sunday on tokel econwicaši he.

A. Itancan taanpetu kin, Itancan kin kini kiksuyapi eciyatanhan owotanla ni unpi kta wicaši.

W. Ignatius tohinni ni he.

A. Johannes Wahošiye wakan waonspewicakiyapi tawa wanji ee; na Wahošiye Wakanpi tapi šni ecel Wicaša Wakan opekiyapi.

W. Ignatius waonspewicakiye tawa etanhan wanjigji Sabbath na Sunday nopin oholapi kta cigon tokel ewicakiya he.

A. Juda Sabbath tawapi kin ohola šni wicaši, tuka Itancan Taanpetu kin ognayan owotanla ohanyewicaši.

W. Justyn Martyr, omaka 148 kin he iyehan wowapi wan kağe cigon he el le on tokel wayatanin he.

A. "Itancan Taanpetu eca Christian owasin yuonihan oholapi kta, Wowapi Wakan yawapi kta, wowahokonkiye on, na Itancan hitayetu Wotapi kin econpi kta heon himniciyapi ece" keya.

W. Itancan Taanpetu kin unkiš eya tokel yuonihanyan ohounlapi kta he.

A. Tipi Wakan tawa kin el Wakantanka ohounlapi kta, na tokel unkokihihi kinhan woohola sanpa na sanpa unkakičiyapi kta iyececa.

W. Sunday icunhan woohola wicohan nakun taku econqonpi kta he.

A. Wowaošila wicohan ocaje, wayazankapi wanwicayag unhipi, na lo cinpi wowicunqupi kta he na ee.

W. Wanikiya unkitawapi kin le ognayan onspeunkiapi he.

A. Han. Ecin Sabbath icunhan Jesus tona wayazankapi kin asniwicaya.

W. Jesus, Sabbath icunhan asniwicaye cin on, Juda wicaša wan-yakapi na on tokel wacinyuzapi he.

A. Singlapi, na tokel okihihi kin ktepi kta he akitapi.

W. Jesus taku ewicakiya he. Markos 2: 27.

A. "Anpetu Wakan kin he wicaša on kağapi, na wicaša kin is Anpetu Wakan kin on kağapi šni" eya.

W. Le on tokel kapi he.

A. Wicaša owasin iwaštepi kta e on Anpetu Wakan kin kağapi, na heon etanhan Anpetu Wakan icunhan taku wašte econpi kta hecinhan he owotanla.

W. Le on taku unkiksuyapi kta iyececa he.

A. "Anpetu kin he icunhan wicohan takuni ecanon kte šni" woepe kin eye cin ee, na anpetu kin he icunhan wicohan ikeekca, na makata woimağaga kin oyasin unki-gnakapi kta iyececa.

W. Nakun taku he.

A. Wacantkiye wicohan econqonpi kta cin on wacekiya unyanpi kta unkokihihi šni e iyowalunyanpi kte šni. Ecin hena cekiyapi itokam nais ohakab econqonpi kta iyececa.

W. Christian woohola wicohan on St. Paul taku eya he. Heb. 10: 25.

A. "Wanjikš econpi kin iyecen mniciunkiciyapi ece kin he unka-yuštampi kte šni" eya.

WOONSPE IYAMNI

Tabernacle kin

W. Tipi Wakan tokaheya kağapi šni itokab; Juda oyate kin tuktel taninyan wocekiye econpi he.

A. Tabernacle kin ekta, he imahentu hea Tipiwakanyapi.

W. Tuwe on Tabernacle kin he kağapi he.

A. He ekta wakanyan na taninyan wacekiyapi kta he Iyotan Wakaše cin he Moses kağši.

W. Tabernacle kin he tukten tokaheya eglepi he.

A. Sinai, hewoskan kin entu, na Israel oyate kin Canaan makoe kin ekta iglakapi qon yuha yapi.

W. Tabernacle kin he taku.

A. Wakeya heca.

W. Taku on kağapi he.

A. Mazaskazi, mazaska, mazazi canwaštemna, na ozanpi kin he minihna to, luta na stan, na taku toktokeca on kağapi. (Gli. W. 25 qa 26.)

W. Tabernacle kin he el taku ognakapi he.

A. Wotakuye Canwognaka kin, Cherubim kin hena, Wazintonpi wagna wošnapi kin, Wohuhnağe wagna wošnapi kin, Aguyapi itokab gnakapi wagna wotapi kin, Mazaskazi petijanjan ihupa kin na mazazi cega kin hena.

W. Wotakuye Canwognaka kin he taku he.

A. He canwognaka wan šitim can on kağapi na mazaskazi hea apawintapi, na he el inyan blaska nom, woahope wicemna kin aowapi qon, manna cega kin qa Aaron tasagye nahca qon hena ognakapi.

W. Canwognaka kin he tuktel eglepi he.

A. Wakan Iyotan Wakan oyanke wan eciyapi kin entu, he el Wošna Kağa Itancan kin isnala imahel ya okihi.

W. Canwognaka kin taku on akahpapi he.

A. Mazaskazi on akahpapi, na le Wowaošila oyanke eciyapi: Taku Wakan el un eekiyapi hee. (Gli. 25: 11-22.)

W. He iwankam Wakantanka hel un e taku wowakta yanka he.

A. Sekina kin, Jehowa Moses eciya, "Mahipiya oğna waonšila oyanke kin iwankab miglutatin kta lakaš." (Lewi 16: 2.)

W. Tabernacle vail kin he taku he.

A. Ozanpi heca, minihna ska to, luta na stan on kağapi, na Tabernacle kin na Canwognaka kin wicayukinukan kta he Canwognaka ohomni otkeyapi.

W. Ozanpi kin he imahel tuwe yin kta iyowinkiyapi he.

A. Wošnakağa Itancan kin eceela, na omaka iyohi wancana econ. (Gli. 28: 29.)

W. Uzza eciyapi, Lewi tiyošpaye etanhan, Canwognaka kin yutan qon tokel iyoeyapi he.

A. "Wakantanka hel kaštaka, yunkan hel ta, Wakantanka tacanwognaka kin ikiyela. (2 Sam. 6: 7.)

W. Canwognaka kin he tuktel ehake ognakapi he.

A. Solomon Tipi Wakan, Jerusalem otowwe el kağe cigon he imahel ognakapi.

W. Tohinni ihangyapi he.

A. Jesus tonpi šni itokab waniyetu 588 Nebukadnezer Jerusalem ihangye çehan, he iyehan hulinagapi kecinpi.

W. Wowapi Wakan el tuktel he cajeyatapi he.

A. Jeremia, Wicaša Wokean kin tawowapi kin en wicowoyake 52 na oegle 12 na 13 entu.

W. Oegle kin hena yawa wo.

A. "Nebukadnezer, Babilon wicašayatapi tawaniyetu iunmanapeinyunka kin hee hehan, Nebuzaradan Jerusalem hel hiyu na Jehowa ti kin he hulinaga, wicašayatapi ti kin nakun, na Jerusalem oğna tipi kin iyuha peta on hulinahya.

(To be Continued)